

longitudinaliter striatula, frons utrinque fovea longitudinali profunde excavata pro scapis antennarum; sutura ante metanotum profunde constricta; spinæ metanoti mediocres; nodus petioli posterior infra dente valido. — Long. 4,5 millim.

In Finlandia modo hanc speciem inveni in nidis *Myrmicæ acervorum*, semel sub cortice truncī betulini (in limitibus Lapponiæ), dein ad Helsingfors sub lapide, numero individuorum in nido altero 10, in alteroque circa 30. In Gallia verisimiliter olim detegenda, ut forsitan quoque *M. hirtula* Nyl. Addit. alter. p. 45, simillima *M. sublævi*, sed minor long. 3,5 millim., setulis paullo longioribus, abdomine pallidiore, et inquilina *Myrmicæ muscorum*. Forsitan tamen *M. hirtula* non rite specie differat a *M. sublævi*.

Les caractères différenciels principaux du *M. sublævi* sont : les mandibules larges et tronquées, sans traces de dents ; les scapes des antennes dilatés et déprimés ; une fossette longitudinale profonde de chaque côté du front.

FIG. 43. Maxilla et labium operariæ. — FIG. 44. Palpi ejusdem. — FIG. 45. Mandibula ejusdem (extus intusque visa). — FIG. 46. Antenna ejusdem; b. scapus latere dilatato visus.

SUBDIVISIO 7. — *Species parva. Palpi maxillares articularis 4, labiales articulis 3. Clypeus bidentatus. Ala antica area radiali clausa apice apiculata, area discoidali clausa nulla* (fig. 42). — Myrmecina Curt. — Spec. 24.

24. MYRMICA LATREILLEI mihi; *Myrmecina Latreillei* Curt. *Brit. Ent.* 6, pl. 265, *Myrmic.* p. 218, f. 22-26; Smith *Brit. Form.* p. 132; Mayr *Austr.* p. 149; *M. striatula* Nyl. *Addit. alter. Form. bor.* p. 40; *M. bidens* Først. *Hym. Stud.* p. 50; Schenck *Nass. Ameis.* p. 94; *M. graminicola* Først. *l. c.* p. 58.

*Operaria* : nigra, ore, antennis et pedibus rufis, capite, thorace nodisque petioli longitudinaliter striatis; clypeus infra bidentatus, dentibus deorsum versis; antennæ articulis 12; metanotum spinis 2 horizontaliter porrectis. — Long. 2,5-3 millim.

*Femina* : nigra sparse pilosa (pilis tenuibus), capite antice, antennis et pedibus rufis, sœpeque adhuc thorace saltem pleuris, nodis petioli, lateribus et apice abdominis rufescens; caput striato-rugulosum; metanotum spinulis horizontalibus; scapus et tibiæ tenuiter pilosi. — Long. 3,5 millim.; ala ant. æquilonga dilute fusco-umbrata.

*Mas* : niger nitidus, flagellis tarsisque sordide pallidis; antennæ 13-ar-